

## **Сыртқы сауда саласындағы тауарларды лицензиялау ережесі туралы келісімге қол қою туралы**

Қазақстан Республикасы Үкіметінің 2009 жылғы 8 маусымдағы N 851 Қаулысы

Қазақстан Республикасының Үкіметі **ҚАУЛЫ ЕТЕДІ:**

1. Қоса беріліп отырған Сыртқы сауда саласындағы тауарларды лицензиялау ережесі туралы келісімнің жобасы мақұлданын.

2. Сыртқы сауда саласындағы тауарларды лицензиялау ережесі туралы келісімге қол қойылсын.

3. Осы қаулы қол қойылған күнінен бастап қолданысқа енгізіледі.

*Қазақстан Республикасының*

*Премьер-Министрі*

*К. Мәсімов*

Жоба

Қазақстан

Республикасы

Үкіметінің

2009

жылғы

8

маусымдағы

N

851

қаулысымен

мақұлданған

## **Тауарлардың сыртқы сауда саласындағы лицензиялау ережесі туралы келісім**

Бұдан әрі Тараптар деп аталатын Беларусь Республикасының Үкіметі, Қазақстан Республикасының Үкіметі және Ресей Федерациясының Үкіметі,

2008 жылғы 25 қаңтардағы Үшінші елдерге қатысты тарифтік емес реттеудің бірыңғай шаралары туралы келісімді іске асыру мақсатында,

Тараптардың үшінші елдерге қатысты бірыңғай сауда режимін белгілеу жөніндегі ниетін назарға ала отырып,

мына төмендегілер туралы келісті:

### **1-бап. Қолдану саласы**

Осы Келісім Еуразия экономикалық қоғамдастығының шеңберінде кеден одағына қатысушы мемлекеттердің әкелуге немесе әкетуге арналған тыйым салулар немесе шектеулер қолданылатын тауарлардың бірыңғай тізбесіне (бұдан әрі - бірыңғай тізбе) енгізілген үшінші елдермен саудадағы тауарлардың экспортына және (немесе) импортына лицензиялар мен рұқсаттар беру тәртібін айқындайды.

Осы Келісімнің әрекеті экспорттық бақылауға жататын тауарлардың экспортына және (немесе) импортына, қару-жарақ пен әскери техниканың, сондай-ақ өзге де әскери мақсаттағы өнімнің экспорты мен импортына қолданылмайды.

## **2-бап. Негізгі ұғымдар**

Осы Келісімде 2008 жылғы 25 қаңтардағы Үшінші елдерге қатысты тарифтік емес реттеудің бірыңғай шаралары туралы келісімнің 1-бабында айқындалған ұғымдар, сондай-ақ мынадай ұғымдар пайдаланылады:

бас лицензия - Тараптың шешімі негізінде сыртқы сауда қызметіне қатысушыға берілетін және лицензияда айқындалған санда лицензияланатын жекелеген тауар түрінің экспортына және (немесе) импортына құқық беретін лицензия;

ерекше лицензия - сыртқы сауда қызметіне қатысушыға жекелеген тауар түрінің экспортына және (немесе) импортына ерекше құқық беретін лицензия;

бір жолғы лицензия - мәні лицензияланатын тауар болып табылатын сыртқы сауда мәмілесі негізінде сыртқы сауда қызметіне қатысушыға берілетін және осы тауардың белгілі бір сандағы экспортына және (немесе) импортына құқық беретін лицензия;

рұқсат - оған қатысты белгілі бір сандағы экспортқа және (немесе) импортқа бақылау белгіленген мәні тауар болып табылатын сыртқы сауда мәмілесінің негізінде сыртқы сауда қызметіне қатысушыға берілетін рұқсат беру құжаты;

өтініш беруші - сыртқы сауда қызметіне қатысушы лицензияны немесе рұқсатты ресімдеу мақсатында Тарап мемлекеті атқарушы билігінің уәкілетті мемлекеттік органына ұсынатын құжаттар;

лицензияны орындау - оларға қатысты берілген лицензия негізінде кедендік ресімдеу жүргізілген тауарлардың Тараптар мемлекеттерінің кедендік аумағына үшінші елдерден нақты әкелінуі немесе тауарлардың Тараптар мемлекеттерінің кедендік аумағынан үшінші елдерге әкетілуі.

## **3-бап. Лицензиялар беру шарттары мен тәртібі**

1. Тараптар мемлекеттерінің атқарушы билігінің уәкілетті мемлекеттік органдары (бұдан әрі - уәкілетті органдар) лицензиялардың мынадай түрлерін береді:

б і р ж о л ғ ы ;

б а с ;

е р е к ш е .

Уәкілетті органның бас және ерекше лицензияларды беруі Кеден одағы комиссиясының (бұдан әрі - Комиссия) шешімінде көзделген жағдайларда жүзеге асырылады.

2. Бір жолғы лицензияның қолданылу кезеңі оның қолданысы басталған күннен бастап 1 жылдан аспайды. Бір жолғы лицензияның қолданылу мерзімі сыртқы сауда

келісім-шартының (шартының) қолданылу мерзімімен немесе лицензияны беру үшін негіз болып табылатын құжаттың қолданылу мерзімімен шектелуі мүмкін.

Оларға қатысты сандық шектеулер енгізілген тауарлар үшін лицензияның қолданылу кезеңі квота белгіленген күнтізбелік жылы аяқталады.

Бас лицензияның қолданылу мерзімі оның қолданысы басталған күнінен бастап бір жылдан аспайды, ал оларға қатысты сандық шектеулер енгізілген тауарлар үшін, егер Комиссия шешімінде өзгеше ескертілмесе квота белгіленген күнтізбелік жылы аяқталады.

Ерекше лицензияның қолданылу мерзімі әрбір нақты жағдайда Комиссия шешімімен белгіленеді.

3. Өтініш беруші лицензияны ресімдеу үшін уәкілетті органға мынадай құжаттарды береді:

1-қосымшаға сәйкес тауарлардың жекелеген түрлерінің экспортына және (немесе) импортына лицензия беру туралы өтінішті ресімдеу және мұндай лицензияны ресімдеу туралы нұсқаулыққа сәйкес толтырылған және ресімделген лицензия беру туралы өтініш (бұдан әрі - өтініш);

Комиссия әзірлеген және сыртқы сауда қызметіне қатысушыға өтеусіз негізде берілетін бағдарламалық қамтамасыз ету көмегімен жасалған, Комиссия бекіткен форматта өтініштің электрондық көшірмесі. Сыртқы сауда қызметіне қатысушы өтініштердің Комиссия бекіткен форматқа қатаң сәйкестіктегі электрондық көшірмесін қалыптастыратын өз бағдарламалық қамсыздандыруын пайдалана алады;

сыртқы сауда шартының (келісім-шартының) көшірмесі, қосымшасы және (немесе) оған толықтыру (бір жолғы лицензия үшін), ал сыртқы сауда шарты (келісім-шарты) болмаған жағдайда Тараптардың ниеттерін растайтын өзге де құжат көшірмесі;

салық органында есепке тұрғаны туралы құжаттың көшірмесі;

егер, қызметтің мұндай түрі оған қатысты бірыңғай кедендік аумақта лицензиялау енгізілген тауар айналымына байланысты болса, лицензияланатын қызмет түрін жүзеге асыруға арналған лицензияның көшірмесі;

егер, оның негізінде бұл тауарға лицензиялау енгізілген Комиссия шешімімен айқындалса, өзге де құжаттар.

құжаттардың берілген көшірмелерінің әрбір парағы өтініш берушінің қолымен және мөрімен куәландырылуы не құжаттардың көшірмелері тігіліп әрі өтініш берушінің қолымен және мөрімен куәландырылуы тиіс.

Өтініш беруші ұсынған құжаттар уәкілетті органда тіркелуі тиіс.

Өтініш беруші лицензия бергені үшін Тараптар мемлекеттерінің заңнамасында көзделген тәртіппен және мөлшерде алынатын мемлекеттік бажды (лицензиялық алымды) төлегенін растайтын құжатты бергеннен кейін лицензия беріледі.

4. Комиссия шешімінде көзделген жағдайларда, өтініш беруші өтінішті уәкілетті органға ұсынбастан бұрын Комиссия шешімінің негізінде Тарап айқындаған Тарап

мемлекетінің атқарушы билігінің тиісті органына келісуге жібереді.

5. Лицензия беруді немесе оны беруден бас тартуды уәкілетті орган осы баптың 3-тармағында көзделген құжаттар негізінде құжаттар берілген күннен бастап 15 жұмыс күні ішінде жүзеге асырады.

6. Мыналар лицензия беруден бас тарту үшін негіз болып табылады: өтініш беруші лицензия алу үшін ұсынатын құжаттарда толық емес немесе дұрыс емес мәліметтердің болуы;

осы Келісімнің 3 және 5-баптарында көзделген талаптарды сақтамау; лицензия беруге негіз болатын бір немесе бірнеше құжаттар қолданысының тоқтатылуы немесе тоқтатыла тұруы;

оны іске асыру үшін лицензия сұралатын шартты (келісім-шартты) орындау салдары туындауы мүмкін Тараптар мемлекеттерінің халықаралық міндеттемелерінің бұзылуы;

квотаның бітуі (лицензиялар квоталанатын тауарларға ресімделген жағдайда).

Лицензия беруден бас тарту туралы шешім дәлелді болуы тиіс және өтініш берушіге жазбаша нысанда ұсынылады.

7. Уәкілетті орган өтініш берушіге берілетін лицензияның түпнұсқасын ресімдейді. Өтініш беруші тауарлар кедендік ресімделгенге дейін лицензия түпнұсқасын тиісті кеден органына ұсынады, ол лицензияны бақылауға қою кезінде өтініш берушіге кеден органының бақылауға қою туралы белгісі бар оның көшірмесін береді.

Лицензияның болмауы Тарап мемлекеттері кеден органдарының тауарларды кедендік ресімдеуден бас тартуы үшін негіз болады.

8. Берілген лицензияларға, оның ішінде техникалық сипаттағы себептер бойынша өзгерістер енгізуге жол берілмейді.

9. Егер, өтініш берушінің заңды тұлға ретінде тіркелген құрылтай құжаттарына өзгерістер енгізілсе (ұйымдық-құқықтық нысанның, атауының не оның орналасқан орнының өзгеруі) немесе жеке тұлға болып табылатын өтініш берушінің паспорттық деректері өзгерсе, өтініш беруші өтініш пен көрсетілген өзгерістерді растайтын құжаттарды қоса бере отырып, берілген лицензияның қолданысын тоқтату және жаңа лицензия ресімдеу туралы өтінішпен жүгінуге міндетті.

10. уәкілетті орган мынадай жағдайларда лицензияның қолданысын тоқтату немесе тоқтата тұру туралы шешім қабылдауға құқылы: өтініш берушінің жазбаша өтініші;

өтініш берушінің заңды тұлға ретінде тіркелген құрылтай құжаттарына өзгерістер енгізілуі (ұйымдық-құқықтық нысанның, атауының не оның орналасқан орнының өзгеруі) немесе жеке тұлға болып табылатын өтініш берушінің паспорттық деректерінің өзгеруі;

лицензия алу мақсатында өтініш беруші ұсынған құжаттарда дұрыс емес мәліметтердің анықталуы;

оның негізінде лицензия берілген бір немесе бірнеше құжаттар қолданысының тоқтатылуы немесе тоқтатыла тұруы;

оның негізінде берілген шарттың (келісім-шарттың) орындалуы Тараптар мемлекеттерінің халықаралық міндеттемелерін бұзуы;

қызметтің лицензияланған түрін жүзеге асыруға арналған лицензияны қайтарып алу , егер қызметтің мұндай түрі оларға қатысты лицензиялау енгізілген тауарлардың айналымына байланысты болса ;

белгіленген тәртіпті сақтау кезінде лицензия берілмейтін лицензияны беруге алып келген лицензияны беру кезінде жіберілген заң бұзушылықтардың айқындалуы;

лицензия иесінің халықаралық нормативтік құқықтық актілерде немесе Тараптар мемлекеттерінің нормативтік құқықтық актілерінде белгіленген лицензия беру шарттарына сақтамауы ;

лицензия иесінің осы баптың 13-тармағын орындамауы.

Лицензияның қолданысы бұл туралы шешім қабылдаған күннен бастап тоқтатыла тұрады .

Тоқтатыла тұрған лицензияның қолданысын уәкілетті орган оның қолданысын тоқтата тұруға әкелген себептерді жойғаннан кейін жаңғыртылуы мүмкін. Бұл ретте лицензияның қолданысын тоқтата тұру оны ұзарту үшін негіз болып табылмайды.

Лицензияның қолданысын тоқтата тұру немесе тоқтату тәртібін Комиссия айқындайды .

11. Лицензия жоғалған жағдайда уәкілетті орган өтініш берушінің жазбаша өтініші бойынша және Тараптар мемлекеттерінің заңнамасында көзделген тәртіппен және мөлшерде мемлекеттік баж (лицензиялық алым) төленгеннен кейін түпнұсқаға ұқсас ресімделген және "Телнұсқа" деген жазуы бар лицензия телнұсқасын береді.

Лицензияны жоғалтудың себебі мен жағдаяттары түсіндірілетін өтініш еркін нысанда жасалады .

Лицензияның телнұсқасын уәкілетті орган өтініш берілген күнінен бастап 5 жұмыс күні ішінде береді .

12. Бас және ерекше лицензиялардың иелері тоқсан сайын, есепті тоқсаннан кейінгі айдың 15-күніне дейін уәкілетті органға лицензияның орындалу барысы туралы есепті ұсынуға міндетті .

Бір жолғы лицензиялардың иелері лицензияның қолдану мерзімі аяқталғаннан кейін 15 күн ішінде уәкілетті органға лицензияның орындалуы туралы анықтама беруге міндетті .

13. Тарап мемлекетінің тиісті кеден органы лицензияны бақылаудан алған кезде оның жазбаша өтініші негізінде өтініш берушіге 5 жұмыс күні ішінде лицензияны орындау туралы анықтама береді .

Анықтама беру нысаны мен тәртібін Комиссия айқындайды.

#### **4-бап. Рұқсаттар беру шарттары мен тәртібі**

1. Рұқсаттар барлық өтініш берушіге шектеусіз беріледі.

2. Рұқсат жобасын және рұқсатты ресімдеу 2-қосымшаға сәйкес тауарлардың жекелеген түрлерінің экспортына және (немесе) импортына арналған рұқсат жобасын ресімдеу және осындай рұқсатты ресімдеу туралы нұсқаулыққа сәйкес жүзеге асырылады.

3. Рұқсат алу үшін өтініш беруші уәкілетті органға Комиссия әзірлеген бағдарламалық қамтамасыз етудің көмегімен жасалған, Комиссия бекіткен нысандағы және өтеусіз негізде сыртқы экономикалық қызметке қатысушыларға берілетін рұқсат жобасын қағаз тасығышта және электрондық көшірмесін 1 данада рұқсат жобасын береді. Сыртқы сауда қызметіне қатысушы Комиссия бекіткен форматқа қатаң сәйкестікте рұқсат жобасының электрондық көшірмесін қалыптастыратын меншікті бағдарламалық қамтамасыз етуді пайдалана алады.

Рұқсат алу үшін рұқсат жобасы мен оның электрондық көшірмесінен басқа, өзге де құжаттарды беруді талап етуге жол берілмейді.

4. Рұқсат жобасын беру күнінен бастап 3 жұмыс күні ішінде рұқсат беріледі.

5. Рұқсаттың қолданылу мерзімі рұқсат берілген күнтізбелік жылмен шектеледі.

6. Берілген рұқсатқа өзгерістер енгізуге жол берілмейді.

7. уәкілетті орган оны алуға өкілеттіктерін жазбаша растау бар өтініш берушіге немесе оның өкіліне берілетін рұқсаттың түпнұсқасын ресімдейді. Өтініш беруші тауарларды кедендік ресімдеуге дейін рұқсатты бақылауға қою кезінде өтініш берушіге бақылауға қою туралы кеден органының белгісі бар оның көшірмесін өтініш берушіге беретін тиісті кеден органына рұқсатты түпнұсқасын береді.

8. Берілген рұқсат басқа өтініш берушілерге қайта ресімдеуге жатпайды.

9. уәкілетті орган берілген рұқсатты жоғалтқан жағдайда өтініш берушінің жазбаша өтініші бойынша түпнұсқаға ұқсас ресімделетін және "Телнұсқа" деген жазбадан тұратын рұқсаттың телнұсқасын өтініш берушіге бере алады. Бұл ретте өтініште рұқсатты жоғалтудың себептері мен жағдаяттары түсіндірілуі тиіс. Өтініш еркін нысанда жасалады.

10. Бақылау енгізілген экспортқа және (немесе) импортқа қатысты тауарларды кедендік ресімдеу кезінде өтініш беруші кеден мақсаттары үшін қажетті құжаттардан басқа, кеден органдарына рұқсаттың түпнұсқасын көрсетеді.

Рұқсаттың болмауы кеден органдарының тауарларды кедендік ресімдеуден бас тарту үшін негіз болып табылады.

#### **5-бап. Жалпы ережелер**

1. Өтінішті қарау, лицензия беру және лицензияның болуын растайтын құжатты қайта ресімдеу үшін уәкілетті орган Тараптар мемлекеттерінің заңнамасында көзделген тәртіппен және мөлшерде мемлекеттік баж (лицензиялық алым) алады. Мемлекеттік баж мөлшері көрсетілетін қызметтердің құнына сәйкес келуі тиіс.

2. Лицензиялар мен рұқсаттар оларға қатысты лицензиялау немесе бақылау енгізілген Сыртқы экономикалық қызметтің бірыңғай тауар номенклатурасына сәйкес жіктелетін әрбір тауарға беріледі.

3. Лицензиялар мен рұқсаттарға қол қою құқығы берілген уәкілетті органдардың лауазымды тұлғалары қолдарының үлгілері, сондай-ақ уәкілетті органдар мөрлері бедерлерінің үлгілері Тараптар мемлекеттерінің кеден органдарына хабарлау үшін Комиссияға жіберіледі.

4. Лицензияларды немесе рұқсаттарды ресімдеу үшін берілген құжаттар, сондай-ақ лицензияны орындауды растайтын құжаттар лицензияның немесе рұқсаттың қолданылу мерзімі аяқталғаннан не лицензияның қолданылуын тоқтату немесе тоқтата тұру туралы шешім қабылданған күннен кейін 3 жыл ішінде уәкілетті органдарда сақталуға тиіс.

Көрсетілген мерзім аяқталғаннан кейін құжаттар лицензияны немесе рұқсатты берген Тараптар мемлекетінің заңнамасында белгіленген тәртіппен жойылады.

5. уәкілетті органдар берілген лицензиялар мен рұқсаттар туралы дерекқорды жүргізуді жүзеге асырады және көрсетілген ақпаратты Комиссия белгілеген тәртіппен және мерзімде береді. Комиссия Тараптар мемлекеттерінің кеден органдарына берілген лицензиялар туралы деректер береді.

6. Комиссияға үшінші елдерге қатысты бірыңғай тарифтік емес реттеу шараларын, тауарлармен сыртқы сауданы қозғайтын және Тараптар мемлекеттерінің ұлттық мүдделерін ескере отырып енгізілетін шараларды, сондай-ақ тауарлармен сыртқы сауданың тыйымдары мен шектеулерінің ерекше түрлерін қолдану жөніндегі тиісті өкілеттіктерді берген күннен бастап Комиссияға осы Келісімге 1 және 2-қосымшаларда көзделген тауарлардың жекелеген түрлерінің экспортына және (немесе) импортына лицензия беру және лицензияны ресімдеу туралы өтінішті ресімдеу туралы нұсқаулыққа және тауарлардың жекелеген түрлерінің экспортына және (немесе) импортына рұқсат жобасын ресімдеу және осындай рұқсатты ресімдеу туралы нұсқаулыққа өзгерістер енгізуге құқық беріледі.

## **6-бап. Дауларды шешу**

1. Осы Келісімді түсіндіруге және (немесе) қолдануға байланысты Тараптар арасындағы даулар келіссөздер және консультациялар жүргізу жолымен шешіледі.

2. Егер дау бір Тараптың екінші Тарапқа жіберген оларды жүргізу туралы ресми жазбаша өтініші күнінен бастап 6 айдың ішінде консультациялар мен келіссөздер

жолымен реттелмейтін болса, онда оны шешу тәсіліне қатысты Тараптардың арасындағы өзге уағдаластық болмаған жағдайда Тараптардың кез келгені бұл дауды Еуразиялық экономикалық қоғамдастық Сотының қарауына береді.

## **7-бап. Өзгерістер**

Тараптардың уағдаластығы бойынша осы Келісімге жеке хаттамалармен ресімделетін өзгерістер енгізілуі мүмкін.

## **8-бап. Қорытынды ережелер**

Осы Келісімнің күшіне ену, оған қосылу және одан шығу тәртібін 2007 жылғы 6 қазанда Кеден одағының шарттық-құқықтық базасын қалыптастыруға бағытталған халықаралық шарттардың күшіне ену, олардан шығу және оларға қосылу тәртібі туралы хаттамада айқындалады.

2009 жылғы "\_\_\_" \_\_\_\_\_ қаласында орыс тілінде бір түпнұсқада жасалды.

Осы Келісімнің түпнұсқа данасы оның депозитарийі болып табылатын, әрбір Тарапқа оның куәландырылған көшірмесін жіберетін Комиссияда сақталады.

<i>Беларусь</i>	<i>Қазақстан</i>	<i>Ресей</i>
<i>Республикасының</i>	<i>Республикасының</i>	<i>Федерациясының</i>
<i>Үкіметі үшін</i>	<i>Үкіметі үшін</i>	<i>Үкіметі үшін</i>
Тауарлармен	сыртқы	сауда
саласындағы	лицензиялау	ережелері
туралы	келісімге	
1-қосымша		

## **Тауарлардың жекелеген түрлерінің экспортына және (немесе) импортына лицензия беру туралы өтінішті ресімдеу және осындай лицензияны ресімдеу туралы нұсқаулық Жалпы ережелер**

1. Осы Тауарлардың жекелеген түрлерінің экспортына және (немесе) импортына лицензия беру туралы өтінішті ресімдеу және осындай лицензияны ресімдеу туралы нұсқаулық (бұдан әрі - нұсқаулық) тауарлардың жекелеген түрлерінің экспортына және (немесе) импортына лицензия беру туралы өтінішті (бұдан әрі тиісінше - өтініш, лицензия) ресімдеу және Тараптар мемлекеттері атқарушы билігінің уәкілетті органдары (бұдан әрі - уәкілетті органдар) беретін лицензияны ресімдеу туралы өтінішті ресімдеу тәртібін айқындайды.

2. Жекелеген деректемелерге кодталған ақпаратты енгізген кезде кодтарды көрсету үшін кедендік ресімдеу мақсаты үшін пайдаланылатын нормативтік-анықтамалық



ақпараттың жіктеуіші (бұдан әрі - жіктеуіштер) қолданылады.

3. Осы нұсқаулықтың 2-тармағында көрсетілген ақпарат кодтары аралары "|" (тік сызық) белгімен бөлінген деректеме алаңының оң жақ жоғары бұрышында орналасуы тиіс.

## Өтінішті ресімдеу тәртібі

4. Өтінішті өтініш беруші қағаз жеткізгіште ресімдейді және осы нұсқаулыққа 1-қосымшаға сәйкес нысан бойынша баспа құрылғыда толтырылады.

5. Өтініштің деректемелері мынадай түрде толтырылады:

1 - деректеме. "N өтініш".

Өтініш нөмірі 13 белгіден тұрады және мынадай түрде құрастырылады:

1 және 2 - белгілер - өтінішті тіркеген кеден одағына мүше мемлекеттің (Беларусь Республикасы - BY, Қазақстан Республикасы - KZ, Ресей Федерациясы - RU) альфа 2 к о д ы ;

3 және 4 - белгілер - жылдың соңғы 2 саны;

5 - 7 - белгілер - өтінішті тіркеуші уәкілетті орган мөрінің (кодының) нөмірі;

8 - 13 — белгілер - өтінішке өсу тәртібімен алты сандық тіркеу нөмірін беру жолымен арнайы журналда уәкілетті орган беретін өтініштің реттік нөмірі.

Деректемені өтінішті тіркейтін уәкілетті орган толтырады;

2-деректеме. "Қолдану кезеңі".

Өтініш беруші сұрау салған мынадай түрде ресімделетін лицензияның қолданылу к е з е ң і к ө р с е т і л е д і :

ЖЖЖЖ.КК.АА-дан бастап ЖЖЖЖ.КК.АА кезеңіне,

м ұ ң д а :

Ж Ж Ж Ж - ж ы л ы ;

К К - к ү н і ;

А А - а й ы .

Символдар бір-бірінен нүктелер арқылы ажыратылады (мысалы, 2008.01.01-дан бастап 2008.31.12 кезеңіне);

3-деректеме. "Лицензия түрі".

Сұралатын лицензия типі үшін лицензияның түрі және мынадай тауарды тасымалдау бағыты көрсетіледі мұнда:

а) лицензия түрі (деректеменің сол жақ бөлігі):

бас - бас лицензияны ресімдеу үшін;

бір жолғы - бір жолғы лицензияны ресімдеу үшін;

айрықша - айрықша лицензияны ресімдеу үшін;

б) тауарды тасымалдау бағыты (деректеменің оң жақ бөлігі):

экспорт - экспорттық лицензияны ресімдеу үшін;

импорт - импорттық лицензияны ресімдеу үшін.  
Деректеменің сол және оң жақ бөліктері бір-бірінен "|" (тік сызық) белгімен б ө л і н е д і .

4-деректеме. "Келісім-шарт".

Келісім-шарттың (шарттың) нөмірі, оған қол қойылған күн көрсетіледі.  
Күні осы бөлімнің 2-деректемесінде көзделген талаптарға сәйкес көрсетіледі.  
Өтінішті бас және айрықша лицензияларға ресімдеген жағдайда 4-деректеме т о л т ы р ы л м а й д ы ;

5-деректеме. "Өтініш беруші".

Өтініш беруші туралы мәлімет көрсетіледі:  
заңды тұлғалар үшін - толық ресми атауы және заңды мекен-жайы. Оң жақ жоғары бұрышында салық төлеушінің сәйкестендіру нөмірі көрсетіледі;  
дара кәсіпкерлер мен жеке тұлғалар үшін - тегі, аты, әкесінің аты және паспорттық деректері (сериясы, нөмірі, қашан және кім берді, тұрғылықты жері). Оң жақ жоғары бұрышында салық төлеушінің сәйкестендіру нөмірі көрсетіледі;

6 - д е р е к т е м е .

"Сатып алушы" - экспорттық лицензияны ресімдеу үшін.

"Сатушы" - импорттық лицензияны ресімдеу үшін.

Шартта (келісім-шартта) көрсетілген тауарға құқық беруді көздейтін шарт (келісім-шарт) бойынша өтініш берушінің контрагенті болып табылатын шетелдік әріптестің толық ресми атауы және толық мекен жайы көрсетіледі.

Бұл ретте сатып алушы ретінде өтініш берушіден тауарға құқық алатын шетелдік әріптес, ал сатушы ретінде осындай құқықты өтініш берушіге беретін шетелдік әріптес к ө р с е т і л е д і .

Бас және айрықша лицензияларды ресімдеген жағдайда "келісім-шарт (тар) (шарт (тар)) талаптарына сәйкес" деген жазба жасалады;

7 - д е р е к т е м е .

"Тағайындалған елі" - экспорттық лицензияны ресімдеу үшін.

"Жөнелтілетін ел" - импорттық лицензияны ресімдеу үшін.

"Әлем елдері және аумақтар" деген жіктеуішке сәйкес тағайындалған елдің (экспорт кезінде) және жөнелтуші елдің (импорт кезінде) атауы және елдің 2 альфа коды к ө р с е т і л е д і .

Егер келісім-шартта (шартта) бірнеше тағайындалған (жөнелтілетін) ел көзделген болса "Келісім-шарт (шарт) талаптарына сәйкес" жазба жазылады, елдің 2 альфа коды көрсетілмейді. Егер бұл бірнеше елдер Еуропалық одақ елдеріне жататын болса "ЕО елдері" деп жазылады және елдің 2 альфа коды көрсетілмейді.

8 - д е р е к т е м е .

"Сатып алушының елі" - экспорттық лицензияны ресімдеу үшін.

"Сатушының елі" - импорттық лицензияны ресімдеу үшін.

"Әлем елдері және аумақтар" деген жіктеуішке сәйкес сатып алушы (сатушы) елдің атауы және елдің 2 альфа коды көрсетіледі.

Бас және айрықша лицензияларды ресімдеген жағдайда "Келісім-шарт (тар) (шарт (тар)) талаптарына сәйкес" деген жазба жасалады және елдің 2 альфа коды көрсетілмейді;

9-деректеме. "Келісім-шарт валютасы"

"Әлем валютасы" жіктеуішіне сәйкес келісім-шарт (шарт) валютасының қысқаша атауы және оның коды көрсетіледі.

Бас немесе айрықша лицензияларды ресімдеген жағдайда "Келісім-шарт (тар) (шарт (тар)) талаптарына сәйкес" деген жазба жасалады және валюта коды көрсетілмейді;

10-деректеме. "Құны"

Тауардың келісім-шарт (шарт) валютасындағы құны көрсетіледі.

Егер құны бөлшек бірліктерде болса, онда ол дөңгелектеу ережелері бойынша толық шамаға дейін дөңгелектенеді.

Бас және айрықша лицензияларды ресімдеген жағдайда құны көрсетілмейді;

11-деректеме. "Статистикалық құны"

Тауардың құны шартқа (келісім-шартқа) сәйкес АҚШ долларымен көрсетіледі.

АҚШ долларынан ерекшеленетін валютада көрсетілген тауардың құнын АҚШ долларына қайта есептеу валюта тепе-теңдігіне сәйкес жүргізіледі (келісім-шартта көрсетілген валютаның Тараптардың Ұлттық банкі келісім-шартқа (шартқа) қол қойған күні айқындаған бағам бойынша АҚШ долларына құндық ара қатынасы).

Егер құны бөлшек бірліктерде болса, онда ол дөңгелектеу ережелері бойынша толық шамаға дейін дөңгелектенеді;

Бас және айрықша лицензиялар үшін болжамды құны көрсетіледі;

12-деректеме. "Шыққан елі"

"Әлем елдері және аумақтар" жіктеуішіне сәйкес шыққан елінің атауы және елдің 2 альфа коды көрсетіледі.

Егер келісім-шартта (шартта) бірнеше шыққан елі көзделген болса "Келісім-шарт (шарт) талаптарына сәйкес" жазба жазылады және елдің 2 альфа коды көрсетілмейді.

Егер бұл бірнеше елдер Еуропалық одақ елдеріне жататын болса "ЕО елдері" деп жазылады және елдің 2 альфа коды көрсетілмейді.

Шыққан елі ретінде тауар толығымен шығарылған немесе жеткілікті түрде өңдеуге (қайта өңдеуге) ұшыраған ел түсініледі;

13-деректеме. "Саны".

14-деректемеде көзделген тауардың саны өлшем бірлікпен көрсетіледі (салмақтық бірліктер үшін - таза салмағы).

Таза салмағы ретінде техникалық регламенттерге және (немесе) стандарттау жөніндегі нормативтік құжаттар мен басқа да заңнамалық актілерге сәйкес айқындалатын тауардың орамсыз салмағы түсініледі;

#### 14-деректеме. "Өлшем бірлігі".

"Өлшем бірлігі" жіктеуішіне сәйкес Сыртқы экономикалық қызметтің бірыңғай тауар номенклатурасына (СЭҚ БТН) сәйкес тауардың өлшем бірлігінің (негізгі және қосымша) қысқартылған атауы көрсетіледі.

2 өлшем бірлігі болған кезде тауар санын көрсету - жолма жол;

15-деректеме. "СЭҚ БТН бойынша тауардың коды және оның сипаттамасы".

СЭҚ БТН-ға сәйкес тауардың және оның кодының сипаттамасы көрсетіледі. Тауардың сипаттамасы тауарды СЭҚ БТН бойынша бір 10 таңбалы жіктеуіштік кодқа сәйкестендіруге мүмкіндік беруі тиіс. Тауардың сипаттамасы оның атауын (сауда, коммерциялық немесе өзге дәстүрлі атауын) қамтуы тиіс.

Егер барлық ақпарат 15-деректеменің жолына сыймайтын болса, бұл ақпараттың бір бөлігі 16-деректеменің жолына ауыстырылуы мүмкін;

Егер өтінішке осы нұсқаулыққа 2-қосымшаға сәйкес нысан бойынша қосымша қоса берілетін болса 15-деректеме жолында тауарды СЭҚ БТН бойынша бір 10 таңбалы жіктеуіштік кодқа сәйкестендіруге мүмкіндік беретін тауардың сипаттамасы көрсетіледі және мынадай жазба жасалады "(... парақ қосымшаны қараңыз)";

#### 16-деректеме. "Қосымша ақпарат".

Қажеттілігіне қарай пайдаланылады. бұл деректеменің жолына 7, 8, 12, 13 және 14-деректемелерді нақтылау және ашып көрсету қажеттілігіне байланысты мәліметтер, сондай-ақ өтінішті ресімдеген күні қол қойылған келісім-шартқа (шартқа) енгізілген барлық өзгерістердің нөмірлері мен күндері жазылуы мүмкін;

17-деректеме. "Лицензия беру үшін негіздеме".

#### Мыналар көрсетіледі:

Комиссия шешімдерінің нөмірлері мен күндері, лицензия беру үшін (мұндай шешімдер қабылданған жағдайда) негіздеме болып табылатын Тараптардың немесе уәкілетті халықаралық органдардың нормативтік құқықтық актілерінің нөмірлері мен күндері ;

өтініш беруші мен өндіруші немесе егер өтініш беруші ретінде делдал қатысатын болса тауарды тұтынушы арасындағы келісім-шарттардың (шарттардың) нөмірлері мен күндері ;

квота бөлуді растайтын құжаттың нөмірі мен күні (квоталанатын тауарға лицензия ресімделген жағдайда) ;

18-деректеме. "Өтініш берушінің уәкілетті тұлғасы".

5-деректемеде көзделген өтініш берушінің уәкілетті тұлғасының мөрмен куәландырылған қолы қойылады, оның тегі, аты-жөні, лауазымы мен өтініш ресімдеген күн көрсетіледі.

## Лицензияны ресімдеу тәртібі

6. Уәкілетті органдар кеден одағы комиссиясы әзірлеген бағдарламалық қамтамасыз етуді пайдалана отырып, қолдан жасаудан арнайы қорғалған қағазда осы нұсқаулыққа 3-қосымшаға сәйкес лицензияны бір ізге түсірілген нысан бойынша ресімдейді.

Бұл ретте лицензия деректемелері мынадай түрде толтырылады:

1-деректеме. "N лицензия".

Лицензия нөмірі көрсетіледі.

Нөмір 16 белгіден тұрады және мынадай түрде құрастырылады:

1 - 3 - белгілер - оның негізінде өтінішті ресімдеу тәртібі айқындалатын тауар тізімінің (санатының) нөмірі;

4 және 5 - белгілер - өтінішті тіркейтін кеден одағына мүше мемлекеттің (Беларусь Республикасы - BY, Қазақстан Республикасы - KZ, Ресей Федерациясы - RU) альфа 2 коды;

6 және 7 - белгілер - жылдың соңғы 2 саны;

8 - 10 - белгілер - өтінішті тіркеуші уәкілетті орган мөрінің (кодының) нөмірі;

11 - 16 - белгілер - уәкілетті орган өтініштерді арнайы тіркеу журналында берген өтініштің реттік нөмірі;

2-деректеме. "Қолдану кезеңі".

Лицензияны қолдану кезеңі көрсетіледі (осы нұсқаулықтың 5-тармағында көрсетілген өтініштің 2-деректемесіне ұқсас толтырылады);

3-деректеме. "Лицензия түрі".

Лицензия түрі және тауарды тасымалдау бағыты көрсетіледі (деректеме осы нұсқаулықтың 5-тармағында көрсетілген өтініштің 3-деректемесіне ұқсас толтырылады)

4 - 14 және 16 - деректемелер осы нұсқаулықтың 5-тармағында көрсетілген өтініштің 4 - 14 және 16-деректемелеріне ұқсас толтырылады.

15-деректеме. "СЭҚ БТН бойынша тауардың коды және оның сипаттамасы"

Тауардың сипаттамасы және оның СЭҚ БТН-ге сәйкес коды көрсетіледі (деректеме осы нұсқаулықтың 5-тармағында көрсетілген өтініштің 15-деректемесіне ұқсас толтырылады);

Егер лицензияға осы нұсқаулыққа 4-қосымшаға сәйкес нысан бойынша қосымша қоса берілетін болса 15-деректеме жолында тауарды СЭҚ БТН бойынша бір 10 таңбалы жіктеуіштік кодқа сәйкестендіруге мүмкіндік беретін тауардың сипаттамасы көрсетіледі және мынадай жазба жасалады "... парақ қосымшаны қараңыз)";

17-деректеме. "Лицензия беру үшін негіздеме".

Мыналар көрсетіледі:

комиссия шешімдерінің нөмірлері мен күндері, лицензия беру үшін (мұндай шешімдер қабылданған жағдайда) негіздеме болып табылатын Тараптардың немесе уәкілетті халықаралық органдардың нормативтік құқықтық актілерінің нөмірлері мен күндері;

өтініш беруші мен өндіруші немесе егер өтініш беруші ретінде делдал қатысатын болса тауарды тұтынушы арасындағы келісім-шарттардың (шарттардың) нөмірлері мен күндері ;

квота бөлуді растайтын құжаттың нөмірі мен күні (квоталанатын тауарға лицензия ресімделген жағдайда) ;

лицензия беруді негіздейтін басқа қажетті ақпарат;  
18-дерекеме. "уәкілетті тұлға".

Лицензияға қол қоюға өкілеттік берілген уәкілетті лауазымды тұлғаның мөрмен куәландырылған қолы қойылады, оның тегі, аты-жөні, лауазымы мен қол қойған күні көрсетіледі .

7. Қолдан жасаудан қосымша қорғау мақсатында лицензия бланкісінің төменгі жағына толтырылған бағандардан тысқары жерге лицензияның негізгі деректемелерінде көзделген деректерді қамтитын штрих код орналасуы мүмкін.

Тауарлардың жекелеген түрлерінің экспортына және (немесе) импортына лицензия беру туралы өтінішті ресімдеу және осындай лицензияны ресімдеу туралы нұсқаулыққа

1-қосымша  
(нысан)

## Тауарлардың жекелеген түрлерінің экспортына лицензия беру туралы өтініш

1. N өтініш	2. Қолдану кезеңі ЖЖЖЖ.КК.АА-дан бастап ЖЖЖЖ.КК.АА кезеңіне	
3. Лицензия типі   ЭКСПОРТ	4. Келісім-шарт жылғы _____ N _____	
5. Өтініш беруші	6. Сатып алушы	
7. Тағайындалған елі	8. Сатып алушының елі	
9. Келісім-шарт валютасы	10. Құны	11. Статистикалық құны
12. Шыққан елі	13. Саны	14. Өлшем бірлігі
15. СЭҚ БТН бойынша тауардың коды және оның сипаттамасы		
16. Қосымша ақпарат		
17. Лицензия беру үшін негіздеме	18. Өтінім берушінің уәкілетті тұлғасы Т . А . Ө Лауазымы Телефоны Қолы және мөрі Күні	

(нысан)

## Тауарлардың жекелеген түрлерінің импортына лицензия беру туралы өтініш

1. N өтініш	2. Қолдану кезеңі ЖЖЖЖ.КК.АА-дан бастап ЖЖЖЖ.КК.АА кезеңіне	
3. Лицензия типі   ИМПОРТ	4. Келісім-шарт жылғы _____ N _____	
5. Өтініш беруші	6. Сатушы	
7. Жөнелтілетін ел	8. Сатушының елі	
9. Келісім-шарт валютасы	10. Құны	11. Статистикалық құны
12. Шыққан елі	13. Саны	14. Өлшем бірлігі
15. СЭҚ БТН бойынша тауардың коды және оның сипаттамасы		
16. Қосымша ақпарат		
17. Лицензия беру үшін негіздеме	18. Өтінім берушінің уәкілетті тұлғасы Т . А . Ә Л а у а з ы м ы Телефоны Қолы және мөрі Күні	

Тауарлардың жекелеген түрлерінің экспортына және (немесе) импортына лицензия беру туралы өтінішті ресімдеу және осындай лицензияны ресімдеу туралы нұсқаулыққа  
2-қосымша  
(нысан)

## Тауарлардың жекелеген түрлерінің экспортына және (немесе) импортына лицензиясын беру өтінішіне қосымша

жылғы N лицензияға қосымша			
P/c N	Тауардың сипаттамасы	саны	өлшем бірлігі
		құны	
P/c N	Тауардың сипаттамасы	саны	өлшем бірлігі
		құны	
P/c N	Тауардың сипаттамасы	саны	өлшем бірлігі
		құны	
P/c N	Тауар сипаттамасы	саны	өлшем бірлігі
		құны	
P/c N	Тауардың сипаттамасы	саны	өлшем бірлігі
		құны	
P/c N	Тауар сипаттамасы	саны	өлшем бірлігі
		құны	
		саны	

P/c N	Тауардың сипаттамасы	кұны	өлшем бірлігі
P/c N	Тауардың сипаттамасы	саны	өлшем бірлігі
		кұны	
Барлығы парақ N парақ		18. Өтінім берушінің уәкілетті тұлғасы Т . А . Ә Л а у а з ы м ы Т е л е ф о н ы Қолы және мөрі Күні	

Тауарлардың жекелеген түрлерінің экспортына және (немесе) импортына лицензия беру туралы өтінішті ресімдеу және осындай лицензияны ресімдеу туралы нұсқаулыққа

3-қосымша

(нысан)

## Тауарлардың жекелеген түрлерінің экспортына лицензия

Кеден одағына қатысушы мемлекеттің атқарушы билігінің уәкілетті мемлекеттік органы			
1. N лицензия	2. Қолдану кезеңі ЖЖЖЖ.КК.АА-дан бастап ЖЖЖЖ.КК.АА кезеңіне		
3. Лицензия типі   ЭКСПОРТ	4. Келісім-шарт жылғы N		
5. Өтініш беруші	6. Сатып алушы		
7. Тағайындалған елі	8. Сатып алушының елі		
9 Келісім-шарт валютасы	10. Құны	11. Статистикалық құны	
12. Шыққан елі	13. Саны	14. Өлшем бірлігі	
15 СЭҚ БТН бойынша тауардың коды және оның сипаттамасы			
16 Қосымша ақпарат			
17. Лицензия беру үшін негіздеме	18. Уәкілетті тұлға Т . А . Ә . Л а у а з ы м ы Т е л е ф о н ы Қолы және мөрі Күні		

(нысан)

## Тауарлардың жекелеген түрлерінің импортына лицензия

Кеден одағына қатысушы мемлекеттің атқарушы билігінің уәкілетті мемлекеттік органы			
1. N өтініш	2. Қолдану кезеңі ЖЖЖЖ.КК.АА-дан бастап ЖЖЖЖ.КК.АА кезеңіне		
3. Лицензия типі   ИМПОРТ	4. Келісім-шарт жылғы N		



5. Өтініш беруші	6. Сатушы	
7. Жөнелтілетін ел	8. Сатушының елі	
9. Келісім шарт валютасы	10. Құны	11. Статистикалық құны
12. Шығу елі	13. Саны	14. Өлшем бірлігі
15. СЭҚ БТН бойынша тауардың коды және оның сипаттамасы		
16. Қосымша ақпарат		
17. Лицензия беру үшін негіздеме	18. Уәкілетті тұлға Т . А . Ә . Л а у а з ы м ы Т е л е ф о н ы Қолы және мөрі Күні	

Тауарлардың жекелеген түрлерінің экспортына және (немесе) импортына лицензия беру туралы өтінішті ресімдеу және осындай лицензияны ресімдеу туралы нұсқаулыққа 4-қосымша (нысан)

### Тауарлардың жекелеген түрлерінің экспортына және (немесе) импортына лицензиясына қосымша

Кеден одағына қатысушы мемлекеттің атқарушы билігінің уәкілетті мемлекеттік органы			
жылғы N лицензияға қосымша			
P/c N	Тауардың сипаттамасы	саны	өлшем бірлігі
		құны	
P/c N	Тауардың сипаттамасы	саны	өлшем бірлігі
		құны	
P/c N	Тауардың сипаттамасы	саны	өлшем бірлігі
		құны	
P/c N	Тауар сипаттамасы	саны	өлшем бірлігі
		құны	
P/c N	Тауардың сипаттамасы	саны	өлшем бірлігі
		құны	
P/c N	Тауар сипаттамасы	саны	өлшем бірлігі
		құны	
P/c N	Тауардың сипаттамасы	саны	өлшем бірлігі
		құны	
P/c N	Тауардың сипаттамасы	саны	өлшем бірлігі
		құны	
Барлығы парақ N парақ		18. уәкілетті тұлға Т . А . Ә .	

Тауарлармен сыртқы сауда  
саласындағы лицензиялау ережелері  
туралы келісімге  
2-қосымша

## **Тауарлардың жекелеген түрлерінің экспортына және (немесе) импортына рұқсат беру жобасын ресімдеу және мұндай рұқсатты ресімдеу туралы нұсқаулық**

1. Осы Тауарлардың жекелеген түрлерінің экспортына және (немесе) импортына рұқсат беру жобасын ресімдеу және мұндай рұқсатты ресімдеу туралы нұсқаулық (бұдан әрі - нұсқаулық) тауарлардың жекелеген түрлерінің экспортына және (немесе) импортына рұқсат беру жобасын ресімдеу және Тараптар мемлекеттері атқарушы билігінің уәкілетті органдары беретін мұндай рұқсат беруді (бұдан әрі тиісінше - рұқсат беру, уәкілетті органдар) ресімдеу тәртібін айқындайды.

2. Кодталған ақпаратты Жекелеген деректемелерге енгізген кезде кодтарды көрсету үшін кедендік ресімдеу мақсаты үшін пайдаланылатын нормативтік-анықтамалық ақпараттың жіктеуіші (бұдан әрі - жіктеуіштер) қолданылады.

3. Осы нұсқаулықтың 2-тармағында көрсетілген ақпарат кодтары аралары "|" (тік сызық) белгімен бөлінген деректеме алаңының оң жақ жоғары бұрышында орналасуы т и і с .

4. Рұқсат беру жобасын өтініш беруші қағаз жеткізгіште ресімдейді, осы нұсқаулыққа қосымшаға сәйкес нысан бойынша баспа құрылғыда толтырылады.

5. уәкілетті органдар Кеден одағының комиссиясы әзірлеген бағдарламалық қамтамасыз етуді пайдалана отырып, рұқсат беруді осы нұсқаулыққа қосымшада көзделген нысан бойынша қолдан жасаудан қорғалған арнайы қағазда ресімдейді.

6. Рұқсат беру деректемелері мынадай түрде толтырылады:

1-деректеме "N рұқсат беру".

Рұқсат беру нөмірі 12 белгіден тұрады және мынадай түрде құрастырылады:

1 және 2-белгілер - рұқсат беруді тіркеген кеден одағына мүше мемлекеттің (Беларусь Республикасы - BY, Қазақстан Республикасы - KZ, Ресей Федерациясы - RU) а л ь ф а 2 к о д ы ;

3 және 4-белгілер жылдың соңғы 2 саны;

5 - 7-белгілер рұқсат беруді тіркеуші уәкілетті орган мөрінің (кодының) нөмірі;

8 - 12-белгілер рұқсат беруге өсу тәртібімен 5 таңбалы тіркеу нөмірін беру жолымен арнайы журналда уәкілетті орган берген рұқсат берудің реттік нөмірі.

Рұқсат беру нөмірін күнтізбелік жылдың басынан бастап өсу тәртібімен 5 таңбалы

тіркеу нөмірін беру жолымен арнайы журналда рұқсат беру жобасын тіркегеннен кейін уәкілетті орган толтырады (мысалы, 00001);  
2-деректеме. "Қолдану кезеңі".

Өтініш беруші сұрау салған мынадай түрде ресімделетін рұқсат берудің қолданылу кезеңі көрсетіледі:

ЖЖЖЖ.КК.АА-дан бастап ЖЖЖЖ.КК.АА кезеңіне,  
м ү н д а :  
Ж Ж Ж Ж - ж ы л ы ;  
К К - к ү н і ;  
А А - а й ы .

Символдар бір-бірінен нүктелер арқылы ажыратылады (мысалы, 2008.01.01-дан бастап 2008.31.12 кезеңіне);  
3-деректеме. "Рұқсат беру түрі".

Тауардың орнын ауыстыру бағыты көрсетіледі:  
ЭКСПОРТ - тауардың экспортына рұқсат беруді ресімдеу үшін;  
ИМПОРТ - тауардың импортына рұқсат беруді ресімдеу үшін;  
4-деректеме. "Келісім-шарт".

Келісім-шарттың (шарттың) нөмірі және оған қол қойылған күн көрсетіледі. Күні 2-деректемеде көзделген талаптарға сәйкес көрсетіледі.  
5-деректеме. "Өтініш беруші".

Өтініш беруші туралы мынадай мәліметтер көрсетіледі:  
заңды тұлғалар үшін - толық ресми атауы, заңды мекен-жайы. Оң жақ жоғары бұрышында салық төлеушінің сәйкестендіру нөмірі (ССН) көрсетіледі;  
дара кәсіпкерлер мен жеке тұлғалар үшін - тегі, аты, әкесінің аты, паспорттық деректері (сериясы, нөмірі, қашан және кім берді, тұрғылықты жері). Оң жақ жоғары бұрышында ССН көрсетіледі;

6 - д е р е к т е м е .

"Сатып алушы" - экспорттық рұқсат беруді ресімдеу үшін;

"Сатушы" - импорттық рұқсат беруді ресімдеу үшін.

Шарттың (келісім-шарттың) тілін сақтай отырып, шартта (келісім-шартта) көрсетілген тауарға арналған құқықтарды беруді көздейтін шарт (келісім-шарт) бойынша өтініш берушінің контрагенті болып табылатын шетелдік әріптестің толық ресми атауы және толық мекен жайы көрсетіледі.

Бұл ретте "Сатып алушы" ретінде өтініш берушіден тауарға құқық алған шетелдік әріптес, "Сатушы" ретінде өтініш берушіге мұндай құқық беретін әріптес көрсетіледі;

7 - д е р е к т е м е .

"Тағайындалған елі" - экспорттық рұқсат беруді ресімдеу үшін;

"Жөнелтілетін ел" - импорттық рұқсат беруді ресімдеу үшін.

"Әлем елдері және аумақтар" деген анықтамалыққа сәйкес тағайындалған (

экспорттау кезінде) немесе жөнелту елінің (импорттау кезінде) атауы және елдің 2 альфа коды көрсетіледі.

Егер келісім-шартта (шартта) бірнеше тағайындалған (жіберу) елі көзделген болса "Келісім-шарт (шарт) талаптарына сәйкес" деген жазба жазылады, елдің 2 альфа коды көрсетілмейді. Егер бұл бірнеше елдер Еуропалық одақ елдеріне жататын болса "ЕО елдері" деп жазылады және елдің 2 альфа коды көрсетілмейді;  
8 - деректеме.

"Сатып алушының елі" - экспорттық рұқсат беруді ресімдеу үшін.

"Сатушының елі" - импорттық рұқсат беруді ресімдеу үшін.

Жіктеуішке сәйкес сатып алушы (сатушы) елдің атауы мен елдің альфа 2 коды көрсетіледі;

9-деректеме. "Келісім-шарт валютасы".

Валюта жіктеуішіне сәйкес келісім-шарт (шарт) валютасының қысқаша атауы және оның коды көрсетіледі;

10-деректеме. "Құны".

Тауардың келісім-шарт (шарт) валютасындағы тауардың құны көрсетіледі.

Егер құны бөлшек бірліктерде болса, онда ол дөңгелектеу ережелері бойынша толық шамаға дейін дөңгелектенеді;

11-деректеме. "Статистикалық құны"

Тауардың құны шартқа (келісім-шартқа) сәйкес АҚШ долларымен көрсетіледі.

АҚШ долларынан ерекшеленетін валютада көрсетілген тауардың құнын АҚШ долларына қайта есептеу валюта тепе-теңдігіне сәйкес жүргізіледі (келісім-шартта көрсетілген валютаның Тараптар мемлекетінің Ұлттық банкі келісім-шартқа (шартқа) қол қойылған күні айқындаған бағам бойынша АҚШ долларына құндық ара қатынасы).

Егер құны бөлшек бірліктерде болса, онда ол дөңгелектеу ережелері бойынша толық шамаға дейін дөңгелектенеді;

12-деректеме. "Шыққан елі".

"Әлем елдері және аумақтар" деген анықтамалыққа сәйкес шыққан елінің атауы және елдің 2 альфа коды көрсетіледі.

Егер келісім-шартта (шартта) бірнеше шыққан елі көзделген болса "Келісім-шарт (шарт) талаптарына сәйкес" жазба жазылады және елдің 2 альфа коды көрсетілмейді. Егер бұл бірнеше елдер Еуропалық одақ елдеріне жататын болса "ЕО елдері" деп жазылады және елдің 2 альфа коды көрсетілмейді.

Шыққан елі ретінде тауар толығымен шығарылған немесе жеткілікті түрде өңдеуге (қайта өңдеуге) ұшыраған ел деп түсініледі;

13-деректеме. "Саны".

14-деректемеде көзделген тауардың саны өлшем бірлікпен көрсетіледі (салмақтық бірліктер үшін - таза салмағы).

Таза салмағы ретінде техникалық регламенттерге және/немесе стандарттау жөніндегі нормативтік құжаттар мен басқа да заңнамалық актілерге сәйкес айқындалатын тауардың орамсыз салмағы түсініледі;  
14-деректеме. "Өлшем бірлігі".

Сыртқы экономикалық қызметтің бірыңғай тауар номенклатурасына (СЭҚ БТН) сәйкес тауардың өлшем бірлігінің (негізгі және қосымша) қысқаша атауы көрсетіледі.

2 өлшем бірлігі болған кезде тауар санын көрсету - жолма жол;  
15-деректеме. "СЭҚ БТН бойынша тауардың коды және оның сипаттамасы".

СЭҚ БТН-ға сәйкес тауардың және оның кодының сипаттамасы көрсетіледі. Тауардың сипаттамасы тауарды СЭҚ БТН бойынша бір 10 таңбалы жіктеуіштік кодқа сәйкестендіруге мүмкіндік беруі тиіс. Тауардың сипаттамасы оның атауын (сауда, коммерциялық немесе өзге дәстүрлі атауын) қамтуы тиіс.

Егер барлық ақпарат 15-деректеменің жолына сыймайтын болса, бұл ақпараттың бір бөлігі 16-деректеменің жолына ауыстырылуы мүмкін;  
16-деректеме. "Қосымша ақпарат".

Қажеттілігіне қарай пайдаланылады. Бұл деректеменің жолына 7, 8, 12, 13 және 14-деректемелерді нақтылау және ашып көрсету қажеттілігіне байланысты мәліметтер жазылады, сондай-ақ рұқсат беру жобасын ресімдеген сәтте қол қойылған келісім-шартқа (шартқа) енгізілген барлық өзгерістердің нөмірлері мен күндері е н г і з і л е д і ;

17-деректеме. "Өтініш берушінің уәкілетті тұлғасы".

5-деректемеде көрсетілген өтініш берушінің уәкілетті лауазымды тұлғасының мөрмен куәландырылған қолы қойылады, оның тегі, аты-жөні, лауазымы мен рұқсат беру жобасын ресімдеу күні көрсетіледі.

Рұқсатты ресімдеу кезінде өтініш беруші уәкілетті тұлғасының тегі, аты-жөні, лауазымы, рұқсат беру жобасын ресімдеу күні көрсетіледі, сондай-ақ "қолы және мөрі б а р " д е п ж а з ы л а д ы .

18-деректеме. "Уәкілетті тұлға".

Уәкілетті органның рұқсат беруге қол қоюға өкілеттік берілген лауазымды тұлғасының мөрмен куәландырылған қолы қойылады, оның тегі, аты-жөні, лауазымы мен қол қойған күні көрсетіледі.

7. Қолдан жасаудан қосымша қорғау мақсатында лицензия бланкінің астында толтырылған бағандардан тысқары жерде лицензиялардың негізгі деректемелерінде көрсетілген деректерден тұратын штрих код орналасатын болады.

Тауарлардың жекелеген түрлерінің экспортына және (немесе) импортына рұқсат беру жобасын ресімдеу және мұндай рұқсатты ресімдеу туралы

# Н ұ с қ а у л ы қ қ а

## ҚОСЫМША

### Тауарлардың жекелеген түрлерінің экспортына рұқсат беру жобасы

Кеден одағына қатысушы мемлекеттің атқарушы билігінің уәкілетті мемлекеттік органы		
1. N рұқсат беру	2. Қолдану кезеңі ЖЖЖЖ.КК.АА-дан бастап ЖЖЖЖ.КК.АА кезеңіне	
3. Рұқсат беру типі   ЭКСПОРТ	4. Келісім-шарт жылғы N	
5. Өтініш беруші	6. Сатып алушы	
7 Тағайындалған елі	8. Сатып алушының елі	
9 Келісім-шарт валютасы	10. Құны	11. Статистикалық құны
12 Шыққан елі	13. Саны	14. Өлшем бірлігі
15. СЭҚ БТН бойынша тауардың коды және оның сипаттамасы		
16 Қосымша ақпарат		
17. Өтінім берушінің уәкілетті тұлғасы Т . А . Ә Л а у а з ы м ы Т е л е ф о н ы Қолы және мөрі Күні	18. Уәкілетті тұлға Т . А . Ә Л а у а з ы м ы Т е л е ф о н ы Қолы және мөрі Күні	

### Тауарлардың жекелеген түрлерінің импортына рұқсат беру жобасы

Кеден одағына қатысушы мемлекеттің атқарушы билігінің уәкілетті мемлекеттік органы		
1. N рұқсат беру	2. Қолдану кезеңі ЖЖЖЖ.КК.АА-дан бастап ЖЖЖЖ.КК.АА кезеңіне	
3. Рұқсат беру типі   ИМПОРТ	4. Келісім-шарт жылғы N	
5. Өтініш беруші	6. Сатушы	
7. Жөнелтілетін ел	8. Сатушының елі	
9. Келісім-шарт валютасы	10. Құны	11. Статистикалық құны
12 Шыққан елі	13. Саны	14. Өлшем бірлігі
15. Тауардың СЭҚ ЕТН және оның сипаты бойынша коды		
16 Қосымша ақпарат		
17. Өтінім берушінің уәкілетті тұлғасы Т . А . Ә Л а у а з ы м ы Т е л е ф о н ы Қолы және мөрі Күні	18. Уәкілетті тұлға Т . А . Ә Л а у а з ы м ы Т е л е ф о н ы Қолы және мөрі Күні	

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК